



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Bullae.

urn:nbn:de:hbz:466:1-10447

B U L L Æ.

Primò, An sola supplicatio probet titulum?

Respondetur, quòd sola supplicatio probat titulum auctoris, *Ægid. dec. 113. Chald. dec. 8. num. 8. Gom. q. 7. n. 6. de non jud. &c. Caputaq. dec. 235. & 301. 3. par.*

Secundò, quando sunt suspectæ de falso?

Respondetur, quòd tunc reputantur suspectæ, quando non reperiuntur in registro Bullarum, & pro hac materia Bullarum suspectarum vide Caputaque. *decis. 74. & infra.*

Tertiò, quando Episcopus possit retinere fructus primi anni alicujus beneficii, seu sibi illos attribuere, pro donatione possessionis, ei qui legitime provisus est?

Respondetur, quòd non, *fac. Conc. Trid. sess. 24. c. 14. de refor. & fac. Cong. decl. 422. in hæc verba, Episcopus non potest primi anni fructus alicujus beneficii sibi retinere seu attribuere pro donatione possessionis ei, qui legitime provisus est.*

Quartò, annata, seu medii fructus, an possint exigi à beneficiis, ubi viget consuetudo?

Respondetur, quòd sic, *Extravag. suscepti, de elect. 10. 22. Nav. cons. 3. de simon.*

Quintò, an Secretarius Episcopi, vel Cardinalis, possit scutum unum accipere pro subscriptione Bullarum, vel earum registratura, & aliquid pro sigillo?

Nav. respondet negativè, *in cons. 2. de simon.* sed non negat aliquid posse accipi pro scriptura ipsarum, quòd parum potest esse, quòd meo quidem iudicio non excederet valorem quatuor, vel quinque carlenorum, quòd videant Ordinarii; nam vidi, & video hoc ab eis non observari, & sic puto eos non evitare vitium simoniæ, ut per multa probat Nav. *loc. cit.* sed potest capere medietatem fructuum beneficiorum primi anni, ubi adest rationabilis consuetudo, *Navar. cons. 3. de simon.* prout dictum est *superius.*

Sextò, Bulla Cœnæ Domini an possit prohiberi ab aliquo Principe, vel ab ejus officialibus, live republica, ne in suo dominio publicetur, quæ tamen consuevit legi quolibet anno in Ecclesiis cathedralibus, die Jovis sancta?

Respondetur, quòd non, ita Nav. per longam disputationem *in cons. 1. de foro compet.* & an in eandem Bullam incidant impediens executionem literarum Apostolicarum, vide *in ver. litera Apostolica*, nec sunt absolvendi Regii consiliarii, vel iudices, qui Bullam præfatam supprimunt, vel prohibent publicandam, idem *cons. 1. nu. 55. de cons.* & quòd dictum est de Bulla Cœnæ Domini, idem censendum est de prohibentibus alias quascunque scripturas, tam generales, quàm particulares, aut speciales, idem *ibid.*

Septimò, bullæ beneficiorum an probent collationem beneficii, si sunt factæ à notario, cum ejus sigillo, licet non adsit subscriptio Episcopi: simili-

ter.

ret, si fuit facta ab Episcopo, id est à suo Secretario, cum sigillo Episcopi, tamen absque subscriptione Episcopi.

Respondetur ex Nav. *conf. 1. de fide infra.* quòd sic, & collatio potest probari per testes etiam sine alia scriptura, *decis. Rot. 38. de prob. in antiquis, Cov. pract. q. ca. 22. num. 9.*

BRACHIUM SÆCULARE.

Primò, dubitatur quot modis possit possit Judex ecclesiasticus implorare brachium sæculare?

Respondetur primò contra perseverantes per annum in excommunicatione, & in aliis criminibus, ad quod tenetur Judex sæcularis. *Afflict. in Constit. Pactarenorum, num. 55. & adest Capitulum Regni, quod incipit: Item statuimus, quòd si contingat. Doct. in cap. contingit, de dol. & contum. & ca. grave de pœn.*

Secundò, quando Judex ecclesiasticus implorat, prout in *Conc. Trid. sess. 25. cap. 5. in ult. de regul.*

Tertidò, quando Judex sæcularis tenetur prestare Judici ecclesiastico petenti hoc brachium ad capiendum excommunicatum, vel hæreticum, & an hoc facere debeat Judex sæcularis, nisi prius videat acta judicis ecclesiastici, & quid iudice Apostolico delegato idem petentem, vide per extensum *Afflict. in const. post mundi, à num. 43. & infra.*

Quartò, an Judex ecclesiasticus tenetur juvare iudicem sæcularem muncrone ecclesiastico, videlicet per interdictum, vel excommunicationem con-

tra rebelles, & inobedientes ipsi iudici sæculari, nisi prius visis actis, vide eundem *ibidem, num. 51. & infra.*

Quintò, quando Judex ecclesiasticus implorat auxilium iudicis sæcularis pro executione sententiæ à se latæ, *Covar. pract. qu. ca. 10. nu. 2. ver. 3.*

CAMPANA.

Campana potest pulsari à custode, ut milites ad bellum exeant de mandato magisteriæ potestatis, *Hofstiens. in sum. tit. de offic. cust. num. 1. hinc fit, Episcopum posse dare licentiam sonandi campanam ad arma sumenda contra maleficos absque periculo irregularitatis, etiam si inde sequatur mors, vel mutilatio, quia hoc est satis remotum, & potius hortari, quàm occidere, vel mutilare, capitulo falsas, de pœnit. distinct. quinta, & in titulo de treug. & pac. vide Reb. tir. de miss. in poss. n. trigesimo secundo. Sed Episcopus debet hoc concedere seridò, & non leviter consideratis circumstantiis necessariis, quia campana est inventa pro congregandis populis ad divinum cultum, & pro aliis, prout in Pontificali habetur in ejus benedictione, per accidens verò permissitur, prout dictum est *sup.**

CAMERA APOSTOLICA.

AD Reverendam Cameram Apostolicam spectant bona personarum ecclesiasticarum, decedentium ab intestato sine licentia testandi, *Paul. III. Bul. 31 quæ incipit, Romani, & bona etiam*